

Fesoasoani e fa'atulaga le Hamilitone Kirikiriroa o le lumana'i

Se ta'iala vave i le pepa o feutagaiga



O lo'o matou tu'ufa'atasia le tatou fuafuaga mo le 10 tausaga o lumana'i. O lo'o matou taula'i i le vaavaaia o mea ua tatou mauaina, tu'uina atu o tulaga o fa'amoemoe i ai lo tatou nu'u, ma le fa'a-paleniina o tusi (fa'amautinoa o tupe alu o le aso e fa'atumu e tupe maua o lea lava aso). Ua sa'o le matou paleni? Alu i le hamilton.govt.nz/futurehamilton mo nisi fa'amatalaga ma fa'aleo mai lou manatu. O lenei ta'iala vave o le aotelega o mea e tatau ona e iloa.

O le a le uiga o lenei fa'atalatalanoaga?

Ua fa'amaonia e le Fono lana tala fa'atatau o le tupe mo lana Fuafuaga Umi mo le 2024-34, fa'atulaga mai ai lana fuafuaga fa'atatia mo le 10 tausaga o lumana'i nei. E leai se fa'aiuga mulimuli ua faia i lenei taimi. E fia iloa e le Fono E fia fa'alogo le Fono i sou manatu e uiga i nei fuafuaga.

O le a le mafuaaga i tua o le si'itia o tau ?

O le taou tala fa'atatau mo le Fuafuaga Umi mo le 2024-34 ua fautuaina ai le si'itia o tau o lafoga o mea totino, i le si'itia tau i le averesi e 19.9% (**\$11 i le vaiaiso**) mo se fale motu o lona tau e i le ogatotonu o tau o fale i le 2024/25, ma le 15.5% i le fa tausaga e soso'o ai. E le'o le tulaga lea sa matou fa'amoemoe e tu'uina atu mo le tatou a'ai. Peita'i o se si'itiaga taua o tau o lafoga o mea totino ua tatau lea mo le teuina fa'afaigaluega i tulaga mana'omia e lo tatou a'ai mo le taimi nei ma le lumana'i.

O tau o le a'ai e le'o fetui ma tupe e maua mai i tau o lafoga o mea totino.

O tau o le fa'atinoina o auunaga autu mo le a'ai o lo'o fa'auau pea le sili atu nai lo tupe

maua a le Fono lea e tele lava ina maua mai i lafoga o fale totino. E maulalo le tatou tau o nei lafoga nai lo isi a'ai tetele o Niu Sila ma o tatou tuao'i. E le lava le tau o lafoga nei a Hamilitone e totonu ai tau uma o le fa'afaeina o le tatou a'ai o lo'o tuputupu a'e pea. O lenei Fono o i ai se mana'o e fa'asa'o le auala e galueaina ai ana mea tau tupe. E tusa ai ma le tulafono, o Fono e tatau ona fuafua ia lava tupe maua e fetui ma tau o galuega. O le a ausia e le matou fuafuaga e foia ai lu'itau tau tupe lea vaega, ina ua silia ai ma le 20 tausaga o seasea faia fa'apea.

O pisinisi a le malo fa'alotoifale ua taugata lona fa'atinoina

O Fono uma a le atunu'u atoa o lo'o fo'i le feagai ma nei lu'itau. O nei tau si'itia o lo'o tatou fa'afeagai - fa'aitiitia o tau o aseti, tupe tului, si'itia o tau, ma le tausisia o manaoga mai i malo tutotonu - e le mafai e le Fono ona pulea. Ma o le avea ai o se a'ai o lo'o tuputupu pea o lona uiga o le tele fo'i lea o galuega a le Fono e fai - ni paipa e tele, auala, o nisi paka ma malae ta'alo e fausia ma tausia. E tatau ona fa'apaleni le tatou tulaga tau tupe ma tupe teu fa'afaigaluega e fa'atupulaia lelei ai lo tatou a'ai.



Ua fa'aitiitia tupe fa'aalu a le Fono

Matou te naunau e tausia lelei a seta na fa'atupeina e lafoga a e i ai fale motu e atina'e ai se a'ai lauolaola ma fa'amanuiaina. Ua matou mautinoa po'o a mea ua i totonu o lenei fuafuaga o le a tumau ai a seta tetele taua a Hamilton e i se tulaga lelei. I le aveeseina ai o le talanoaina o le fa'aitiitia o tau mo a tatou galuega taua, ua matou tilotilo ai i nisi vaega e mafai ona matou fa'alalo tau e aofia uma ai paketi o aso uma ma tupe fa'avae.

Ua fuafuaina e le Fono le fa'aitiitia o auunaga ia sefe ai tau e totogi.

O le tatou paketi mo le 2025/26 ma tua atu e fa'avaeina lea i le tatou fa'aitiitia atili o le tau o le fa'atautaia i aso ta'itasi o le a'ai. O le a o'o i lea tulaga mai i le fa'aitiitia o auunaga e tu'uina atu e le Fono mo le nu'u, ma le fa'aitiitia o galuega tauave i tua o le ofisa. Matou te le'i iloiloaina po'o a auunaga o le a a'afia. O le a matou fa'amautinoaina le le a'afia auunaga taua.

Afai e itiiti a tatou aitalafu, o le a fa'asaoina tupe mo se taimi umi

O aitalafu e teu fa'afaigaluega i a seta mana'omia e le a'ai, o le auala tonu lea e totogi ai e le Fono ana galuega tetele - lea o le a maua ai fa'amanuiaga faifaipea mo tagata Hamilton o le taimi nei ma le lumana'i. Ae peita'i, o le nonoina o tupe e fa'atupe ai tupe fa'aalu e le o se fa'aogina lelei lea o aitalafu - o le mafuaaga lea o le tatau ai ona fa'apaleni a tatou tusi. Ma o le mafuaaga lea ua matou mana'omia ai le maua o tau fa'aopoopo pei ona matou talosaga atu ai ia te outou, e tatou te ausia ai tupe fa'asili fa'aletausaga e totogi ai aitalafu.

O a mea tatou te fa'amuamua?

I le taimi o le tapenaga o le Fuafuaga Umi mo le 2021-31, na matou fesili ai i o tatou tagatanu'u po'o a mea e latou te fiafia ai e uiga ia Hamilton Kirikiriroa ma po'o a nisi mea e fa'alelei atili ai lo tatou a'ai ma avea ai o se nofoaga sili atu mo le nofo. O lea na mafua ai ona fausia vaega e lima e ave i ai le fa'amuamua

mo le isi sefulu tausaga. E tumau le tu'uto i ia fa'amuamua, lea fo'i e lima ta'ita'i ai le Fuafuaga Umi mo le 2024-34: fa'atulagaina ai se aai e faigofie ona nofo ai; o se a'ai e olaola lelei ai o tatou tagata; o se a'ai tutotonu e fiafia i ai o tatou tagata; o se a'ai o fiafiaga e tele mea e fai ai; ma se a'ai lanumeamata.

O a suiga i totonu o lenei Fuafuaga Umi?

E ui o le tele o lenei Fuafuaga Umi o le fa'aauuina o galuega na fuafuaina i le fuafuaga muamua, ae ua iai ni galuega ua fa'amuta ma nisi o fa'aopoopoga ina ia sefe ai tau pe fa'ateleina ai tupe maua. E aofia ai: fa'alauiloaina o tau e tali atu ai i manaoga o le paka ai i totonu o le taulaga; aveesea o le fua fa'atatau o lafoga i totonu o le taulaga; suia o fua fa'atatau mo pisinisi i totonu o le taulaga; se tuaoi e mafai ona fa'aopoopo i le Business Improvement District; se iloiloiga o tau;

Aumai i a'i matou lou finagalo fa'aalia

O mea o lo'o matou feutaga'i ai

Matou te manana'o i lou finagalo fa'aalia i fua fa'atatau mo:

- atina'e lautele
- maufetu'una'i o tagata o le nu'u ma le ogaoga o le tau
- asiasiga o le saogalemu o vaitaele tuma'oti

Matou te mananao fo'i i lou finagalo fa'alia mo le:

- e fa'apefea ona matou fuafua e pulea tupe a le a'ai
- fa'aitiitia o auunaga ma tau a le Fono
- se auala laupapa mo savaliga ma ti'eti'ega uila i totonu o le taulaga
- o a nisi ou manatu o iai e uiga i la matou fuafuaga mo le isi 10 tausaga
- faiga fa'avae o Tupe Maua ma le Fa'atupega, Fa'amagaloina o Tau ma le Tolopoina.

E fa'apefea ona fa'aali lou finagalo?



Matou te talosaga atu ina ia tu'uina mai lou finagalo e tusa ma a matou fuafuaga mo le isi 10 tausaga.

Alu i le hamilton.govt.nz/futurehamilton po o le fa'atumuina o se pepa e tu'uina mai.

E tapunia talosaga i le aso 21 April 2024